

寶持法棟梁更當修奉是此經典如近是帝  
生尊重心注想專容稱揚專說然後汝等得  
觀慈顏咸蒙護度普聞妙法親奉供養永無  
流轉是時四衆聞已歡喜歎未曾有

高上玉皇本行集經卷上

九

高上玉皇本行集經卷中

五三

太上大光明圓滿大神呪品第二

爾時天地始祖五老上帝稽首長跪白

天尊言伏聞高上玉皇慈念蒼生普放神光  
照燭法界六凡四聖普叨道蔭竊以凡夫短  
景劫運將終正道宜行以濟兆民使修真之  
子有期輕舉末代烝民俱獲壽考自昔元始  
洞玄靈寶赤書玉篇真文生於元始之先空  
洞之中天地未根日月未光幽幽冥冥無祖  
無宗無氣無象無色無名無形無緒無音無  
聲混沌太無靈文卷藹乍存乍亡二儀待之  
以分太陽待之以明靈圖革運玄象推遷乘  
機應會於是存焉玉帝授臣靈寶祕篆大不  
可思議神呪故天地得之而分判三景得之  
而發光靈文鬱秀洞映上清發乎始青之天  
而色無定方支勢曲折不可尋詳元始鍊之  
於洞陽之館治之於流火之庭解其正文瑩  
發光芒洞陽炁赤故號赤書靈圖既煥萬帝  
朝真飛空步虛旋行上宮燒香散花口詠靈  
章是時天降十二玄瑞地發二十四應上慶

九天之靈與讚三天之寶明神風既鼓皇道  
威暢元始登命太真按筆玉妃拂筵鑄金為  
簡刺書玉篇五老掌錄祕於九天靈都之館  
玉女典香太華執巾玉童侍衛玉陛朝軒九  
天上書非鬼神所聞故天寶之以致浮地祕  
之以致安五帝掌之以得鎮三光乘之以高  
明上聖奉之以致神高尊賞之以致真五嶽  
從之以得靈天子得之以致治國祚享之以  
太平實靈文之妙德乃天地之玄根感靈恢  
廓普加無窮蕩蕩大化為神明之宗其量莫  
測巍巍乎太空明真有格今當以行是時  
元始革運玄象開圖靈文鬱秀神表五方分  
判天地開化萬靈此太宗之業可得暫披於  
靈籙乎今皇道敷暢澤被十方仰觀劫運真  
風宜行臣私心實欲使雲陰八返風灑蘭林  
寒條仰希華陽之繁朽散蒙受靈澳之津仰  
對元慈下伸丹懇惟願哀憫俯念蒼生不審  
靈寶玉篇真文可得見授下教於未聞者乎  
於是  
元始天尊撫几高抗凝真遐想觀時已至普

謂時會一切真聖論定陰陽推數劫會移較  
河源檢錄天度選擇種人指括太無嘯朗九  
玄念無開聽於陳辭有若閉礙求真之路是  
時五老上帝啓問不已良久

元始天尊乃垂眄皆之容慨爾歎曰微乎深  
哉予今所叩豈不遠乎此元始靈寶之玄根  
空洞自然之真文生天立地開化神明施鎮  
五嶽安國康民靈寶玄妙為萬物之尊天發  
玄瑞靈應自然今三天盤運六天道行雜法  
開化當有三萬六千種道以擇來者之心此  
法運訖三龍之後庚子之年雜氣普消諸天  
慶會吾真道乃行今且可相付當錄於上館  
未得行於下世玄科有禁不得便傳子可詣  
靈都紫微上宮聽天音於金格取俯仰於神  
王然後當使得備天文以總御元始之天也  
於是五老上帝與諸真聖清香執戒徘徊雲  
路嘯命十天上詣上清太玄王都寒靈丹殿  
紫微上宮受俯仰之格乃知天真貴重難可  
即聞還乃更詣  
元始道前詔以禁戒之儀遜謝不逮是時

天尊慈顏愍命靈關廓開登命五老上帝開  
洞陽之館披九光八色之韞雲錦之囊出元  
始靈寶赤書玉篇篇真文金書玉篆微妙秘密  
運御乾坤大光明圓滿大神呪玉章以付五  
老上帝及諸真聖使依玄科按法以傳

是時東方安寶華林青靈始老蒼帝所受神  
呪詰命

東方九炁 始皇青天 碧霞鬱壘 中有老人  
總校圖錄 攝悉舉仙

二十四字青帝秘文書于九天元臺主台  
九天上帝校神仙圖錄

歲星輔肝 角亢鎮真 以房心尾 四景迴旋  
箕主七辰 正斗明輪 承悉捕非 掃除災羣

三十二字秘文書于紫微宮東華殿主台  
星官正天分度

東山神呪 攝名九天 赤書符命 制會鄧山  
東魔送鬼 所誅無蠲 悉詣木宮 敢有稽延

三十二字秘文書于東華玄臺之館主攝  
鬼魔正九天炁

下制東河 溟海水神 大劫洪災 蛟龍負身

水府關道 通徑昇平 上帝赤文 風火無間

三十二字秘文書于九天東北玉闕丹臺  
主攝東海水帝大劫洪災名蛟龍及水神

事 此東方九炁靈寶玉篇真文合一百  
二十十字皆

太上无上大光明圓滿大神呪空洞自然  
之書一名生神保真綱玄章一名東山神  
呪一名青帝八風策文

右玉皇詰命以錫東方安寶華林青靈始老  
蒼帝九炁天君今統御東方諸天諸地日月

星宿名山靈洞水府東宮上聖高尊真仙聖  
眾一切威靈符命所臨如詰奉行

南方梵寶昌陽丹靈真老赤帝所受神呪詰  
命

南方丹天 赤帝玉堂 中有大神 號曰赤皇

上炎流煙 三炁勃光 神仙受命 應會太陽  
三十二字赤帝秘文書于九天洞陽之館

主名九天神仙圖錄全名  
焚感輔心 井鬼守房 柳星張翼 抗禦四鄉

軫總七宿 迴轉天常 召運促會 正道驛行

三十二字祕文書于三炁丹臺題于西南

正陽主炁星官明度敷正天分

赤文命靈北攝鄧山東遠魔宗斬滅邪根

符教所討明列罪原南山神呪威伏八方

羣煞滅爽萬劫摧亡

四十字祕文書于西南陽正玉閣主制北

鄭正冠杰

南河水帝太伯龍王神呪流行普掃不祥

洪水飛災上召蛟龍開除水徑千道萬通

敢有干試攝送火官赤書所告莫有不從

四十八字祕文書于西南陽正西關主攝

南海水帝大運交期洪水四出名蛟龍及

水神事此南方三炁靈寶玉篇其文合

一百五十二字皆

太上无上大光明圓滿大神呪空洞自然

之書一名南靈通天寶靈經一名九天无

上之上呪一名赤帝八威策文

右玉皇誥命以錫南方梵寶昌陽丹靈真老

赤帝三炁天君令統御南方諸天諸地日月

星宿名山靈洞水府泉宮上聖高尊真仙聖

集一切威靈符命所臨如諸奉行

中央寶劫洞清玉寶元靈元老黃帝所受神

呪誥命

中央總靈黃上天元始生五老中皇高尊

攝系監真總領羣仙典錄玄圖宿簡玉文

催運上炁普告萬神

四十字黃帝祕文書于太玄玉寶玄臺主

名神仙玉簡宿名總歸仙系

鎮星輔脾迴度北元魁魁主非截邪斬根

魁魁懸懸掃穢除氛懸正玄斗明度天關

九天符命金馬驛傳

四十字祕文書于玄都玉臺主攝星官正

天度數

救攝北帝遏塞鬼門翦除不祥莫有當前

十六字祕文書于玄都玉臺主攝北帝正

天氣檢鬼精

中山神呪召龍上雲制會黃河九水河源

不得怠縱善惡悉分千妖萬姦上對帝君

敢有干試太陽激憤赤書玉宇宣告普聞

四十八字祕文書于玄都玉臺四壁以攝

中海水帝四泉之水洪災涌溢之敷主名

水神止蛟龍事此中央一炁靈寶玉篇

真文合一百四十四字皆

太上无上大光明圓滿大神呪空洞自然

之書一名寶劫洞清九天靈書一名黃天

大神呪一名黃帝八威策文

右玉皇誥命以錫中央寶劫洞清玉寶元靈

元老黃帝一炁天君令統御中央皇天后土

日月星宿名山靈洞水府泉宮上聖高尊真

仙聖眾一切威靈符命所臨如諸奉行

西方七寶金門皓靈皇老白帝所受神呪誥

命

西方素天白帝七門金靈皓映太華沆氛

白石救救七炁氤氳上有始生皇老大神

總領肺系主校九天檢定圖錄制名上仙

四十八字白帝祕文書于九天素靈宮北

軒之上主名仙系舉仙道也

太白檢肺奎婁守魂胃昂畢觜主制七關

參總斗魁受符北元

二十四字祕文書于金闕玄宮主攝白帝

星官正明天度

赤書玉宇九天正文攝名萬炁普歸帝君

十六字祕文書于九天金闕三圖之館以

攝六天炁炁

西山神呪八威七傳符水上龍名山送雲

在所校錄同到帝門輔衛上真斬滅邪源

若有不祥截以金關赤書符命風火驛傳

四十八字祕文書于九天金闕三圖之館

主攝西海水帝制水中萬怪惡毒之精名

雲龍以防水旱之災也此西方七炁靈

寶玉篇真大合一百三十六字皆

太上无上光明圓滿大神呪空洞自然之

書一名金真寶明洞微篇一名西山神呪

一名白帝八威名龍大

右玉皇誥命以錫西方七寶金門皓靈皇老

白帝七炁天君令統御西方諸天諸地日月

星宿名山靈洞水府泉宮上聖高尊真仙聖

衆一切威靈符命所臨如誥奉行

北方洞陰朔單鬱絕五靈玄老黑帝所受神

呪誥命

北方玄天五炁徘徊中有黑帝雙皇太微

總領符命仙鍊八威青裙羽褐龍文鳳衣

上帝所舉制到玉階

四十字黑帝祕文書于鬱單元量玄元紫

微臺北軒之內主名諸真人神仙圖錄

北辰輔腎斗牛衛靡女虛危室豁落四開

壁總七星執凶糾非却火掃穢明道動輝

三十二字祕文書于天心北元玄斗中主

攝北方星官正天炁也

北山神呪激陽起雷流鈴煥落覆天鎮威

北靈所部萬炁滅摧

二十四字祕文書于北方洞陰朔單鬱絕

元臺主攝天鹿北帝制伏惡神萬炁帝

九河傾訖鳥母翬飛蛟龍通道水陌洞開

赤文玉書驛龍風馳

二十四字祕文書于洞陰朔單鬱絕元臺

以攝北海水帝制水中萬精主名蛟龍與

雲數兩以負身此北方五炁靈寶玉篇

真大合一百二十十字皆

太上无上大光明圓滿大神呪空洞自然

之書一名本命紫微元神生真寶明文一

名北山神呪一名黑帝八威制天文

右玉皇誥命以錫北方洞陰朔單鬱絕五靈

玄老黑帝五炁天君令統御北方諸天諸地

日月星宿名山靈洞水府泉宮上聖高尊真

仙聖衆一切威靈符命所臨如誥奉行

道言是大神呪者

元始之妙言玉皇之真誥上清自然之靈書

九天始生之玄札空洞之靈章上聖之祕語

玉晨之尊典成天立地開張萬真安神鎮靈

成生兆民匡御運度保天長存上制天機中

檢五靈下策地祇嘯命河源運役陰陽名神

使仙此至真之妙文神應自然致天高澄令

地固安保鎮五嶽萬品存焉玉帝昔授五老

上帝是時五老跪捧其章祕題靈都之館天

真皇人昔書其文掌之於上清真境太玄玉

都寒靈丹殿紫微上官累經劫運而其文保

固天根無有毀淪與運推遷是大神呪混之

不濁穢之愈清毀之不滅滅之極明大有之

文天真所尊自光真名帝圖刻簡昭示來生

斯大隱祕不得窺聞有得之子保萬蒸長存  
勤行修奉克致神仙

玉皇功德品第三

爾時玉虛上帝白

天尊言惟願慈悲願為四眾帝釋等及四梵  
天王一切諸天一切諸仙及未來一切眾生  
持是經人說利益事爾時天尊告玉虛上帝  
言快哉斯問不亦善乎汝以慈悲愍念眾生  
故請問於我天尊言曰若有三界十方無量  
國土及國王大臣或兵戈並起疫氣大行水  
旱蟲蝗凶災飢饉是其國君后妃太子宰輔  
大臣當發慈悲為其黎庶徧救國內州縣鎮  
宰令諸道流清淨嚴潔于其觀內設大齋醮  
六時行道為轉此經當得國土清平五穀豐  
熟黎庶安泰若復有人入諸山林過毒惡獸  
但能存想一念真經山神衛護猛獸自退終  
不害己若入江入海採寶求珍值遇惡風如  
法持念是此真經風浪頓止安穩達岸若在  
軍陣戈戟既接兩刃相交存心默念是此真  
經是諸惡賊悉自退散若在牢獄枷鎖之中

淨心定慮存念真經冤枉自伸即得解脫若  
為邪精鬼賊眾苦所加如法持念是此真經  
眾邪速避自然除愈若人為求嗣息如法尊  
重持念此經帝敕天曹明檢丹籍九品之內  
四果仙人運應數合謫降下生為其作子才  
辯明慧人中尊貴若婦人臨難之月如法持  
念是此真經即得母子平安生福德男女人  
所愛敬若為求官進職爵祿亨達貴遇人君  
如法持念是此真經即得職務遷轉子孫榮  
貴世世不絕若人欲求資財殷富如法奉持  
是此真經即得財寶充溢衣食自然慶流子  
孫傳之萬世若人被諸惡星之所照臨困苦  
牀枕如法持念是此真經是諸惡星返降吉  
祥若人命過應入地獄注名惡籍父母師長  
夫妻男女當為亡人持念真經或安置道場  
齋花供養即得亡者鬼籍盡除神生淨土同  
苦罪眾咸蒙護度承斯勝利皆生天上又此  
經所在之處常有十天至真大聖無極飛天  
神王侍衛供養持是經人當得自稱為正一  
真人是在處自得十方至真至聖金剛力

士潛護其人如護己身若出入遊行之處  
百邪避路魔鬼殄除精靈伏藏一切災殃不  
能侵近是持經人命欲終時更不見諸地獄  
惡相即見天宮一切玉女持幢下迎而生天  
上如天福盡下生人間即得千生萬生中常  
為國王大臣聖賢慶會國土清平人民樂業  
常得宿性通明遵奉大道展轉修持至登道  
岸是持經人獲福如是又若有持是經人若  
兩下時起大悲心如法向空念此經三卷一  
徧其兩所需面所向方一切眾生五逆十惡  
一切重罪悉皆消滅一切重病便得痊愈是  
諸眾生命終之後不墮地獄神生淨土蓮花  
化生何況持是經者又若有持是經人若行  
於道路值大風起吹是持經之人觸身之塵  
是塵所需一切眾生一切惡業悉皆滅盡更  
不墮三惡道當生天上故知持經功德不可  
思議是持經人若在江在河在海沐浴其身  
是水所需其中眾生魚鼈龜鼉一切水族是  
諸眾罪悉得除滅盡此一報之身命過之後  
更不受胎卵濕化一切等身是持經人口出

一切語言或善或惡一切天魔外道聞者皆是清淨法音是持經人若遇諸神廟能為其神誦詠是經是諸鬼神得聞是經即脫鬼趣登真仙道恭敬是人如奉是帝若人在世不孝父母不敬三寶殺生偷盜邪淫妄語作種種極重罪業將命終時若有道心正信衆生于其亡者未氣斷時起大悲心于其頭邊念帝尊號或一七二七三七四七乃至百徧千徧是其亡者生前所造諸不善業悉得消滅更不墮諸惡趣神昇九天何況受持是此經者又若復有人自從往劫乃至今身輪轉人天漂沈世域積千愆萬過在於己身若遇是持經人影暫映其身如為帝光之所攝受或與同語或聞其聲如奉帝言道語之所慰諭彼人罪障永得除滅又若持是經人造作長壽書帝名號于其牆上懸諸長竿或在觀宇或在家庭是牆被諸風吹所指方面一切衆生皆霑勝利一切惡業悉得除滅又若有持是經人書帝名號在一切有聲物上或鐘或磬鈴鐺鏡鉢一切道具法事之屬或以道場

或以戲擊或被風觸是聲出時或遠或近一切衆生聞是聲已所有罪障悉得清淨又若有持是經人了悟生死深入山林修真學道或時登臨上山顛望目所及處山林溪谷舍生品類有形無形胎卵濕化動植飛潛種種諸類所有罪業永得除滅身心清淨命終生天何況受持是此經者當知是人即是道藏功德身也爾時  
 天尊謂玉虛上帝言今我略說未盡其妙若廣說之凡流邪見疑惑不信是經功德窮劫難言爾時玉虛上帝聞是說已心生歡喜不勝踊躍瞻仰  
 慈顏稽首讚歎而作頌曰  
 九天之上 謂之大羅 玉京金闕 雲層我我 中有天帝 仁慈惠和 至道無敵 降伏衆魔 天寶靈符 玉律金科 神仙億萬 幢幡衆多 聞者罪滅 永出愛河 是號玉皇 宮蒼真老 妙圓清淨 智慧辯才 至道至尊 三界師 混元祖 無能勝主 四生慈父 高天上聖 大慈仁者 十號圓滿 萬德周身 無量度人

拔生死苦

爾時玉虛上帝說是頌及十號已是諸天衆異口同音歎未曾有

高上玉皇本行集經卷中